



## **Claudii Fleurii Abbatis Historia Ecclesiastica**

Ab anno Christi 1589. usque ad annum 1595 - Una Cum Criticis R.P.  
Honorati A S. Maria Carmel. Discalc. Observationibus In Historiam  
Ecclesiasticam Abbatis Fleurii

**Fleury, Claude**

**August. Vind. [u.a.], 1772**

**VD18 90118669**

§. 13. Cardinalis de Quiroga mortuus.

---

[urn:nbn:de:hbz:466:1-67252](https://nbn-resolving.org/urn:nbn:de:hbz:466:1-67252)

clesiæ Sacramentis tractatum, qui a rationum soliditate, stylique elegantia plurimi habitus Antverpiæ Anno post Christum natum millesimo quingentesimo septuagesimo sexto typis prodiit: insuper in sacris Bibliis juxta vulgatam expurgatis, ac jussu Sixti V. editis, necnon a Clemente VIII. recognitis unacum Cardinale Columna, & docto Bellarmino suam jungebat operam, simulque omnia sancti Augustini opera emendatius edere parabat: verum mortis invidia calamum excutiente ab utilis hujus operis executione præpediebatur; obiit enim die decima sexta Octobris hoc anno, ætatis vero suæ sexagesimo tertio. Corpus ejus Romæ in Anglicanæ Nationis Templo sepultum quiescit, ubi hodiedum sepulcralis ejus inscriptio legitur.

Sæcul. XVI.  
A.C. 1594.

§. XIII.

*Cardinalis de Quiroga mortuus.*

Hoc item anno Madriti alius quidam Cardinalis naturæ debitum solvit. Erat is Caspar de Quiroga ex illustri Hispaniæ familia in veteri Castella Abulenti Diæcesis ex Alvaresio Quiroga, & Helena Vela natus die duodecima Januarii anno Christi millesimo quingentesimo quarto: dein vero Vallisole-tani sanctæ Crucis Collegii, a Petro Gonzales

Ciac. p. 68.  
Vitt. ibid.

Gg 2

zales

**Sæcul. XVI**  
**A.C. 1594**

zales de Mendoza olim Cardinale instituti, fuit Alumnus: insuper operam legali sapientiæ dedit, ac tam juris scientia, quam animi dotibus clarus, Academiæ Complutensis Vicarius generalis evasit, quo officio cum fungeretur, atque ex incuria cujusdam diplomatis Apostolici sigillum frangeret, conscientia religionem ductus Romam contendit, ut ad Julii III. pedes provolutus existimatæ hujus culpæ absolutionem impetraret: ubi tamen ad Philippi II. preces Romæ Auditor, imo ejusdem Regis favore Toletanus Canonicus, & demum Consiliarius Regius nominabatur, atque in Hispania diu versatus arctissimum amicitia vinculum cum S. Ignatio Loyola Societatis Jesu institutore contraxit, cui Societati cum faveret, postea Tolunere, ac Toleti maximo sumptu successu temporis Collegia duo ædificavit. Porro cum sanctæ inquisitionis consilio præfuisset, Conchenis Episcopus primo, deinde licet invitus Toletanus Archiepiscopus, supremus Inquisitor, Italiæ Præses, Castellæ Cancellarius, ac absens Presbyter Cardinalis tituli S. Balbinæ Anno redemptionis nostræ millesimo quingentesimo septuagesimo octavo a Gregorio XIII. electus est: cum autem a suo Toletano Archiepiscopatu absens esse cogeretur, Albertum Cardinalem

dinalem Austriacum Coadjutorem habuit: demum vero die Dominica vigesima Novembris Madriti ferme in octogesimo primo ætatis suæ (\*) anno animam Deo reddidit, multis aureorum millibus in pauperum levamen testamento relictis.

§. XIV.

*Patris Bencii Jesuitæ extrema.*

Inter ecclesiasticos Scriptores pariter nonnulli hunc annum sibi exitialem habebant, quos inter primo loco recensendus venit Franciscus Bencius Aculæ suæ familiæ oppido in Etruria natus, qui Romæ literis operam navans Marcum Antonium Muretum Magistrum habuit, eique arcta amicitiae necessitudine devinctus auctor exstitit, ut sacræ militiæ nomen daret, ac Sacerdotio initiaretur: porro postea ipsemet Bencius Societatis Institutum amplexatus Pauli nomine, quod Parentes indiderant, relicto, Franciscus appellari Gg 3 voluit,

Sæcul. XVI.  
A.C. 1594.

Thu. l. 109.  
Aleg. Bibl.  
Script. Soc.  
Baill. jugem  
des Sçavents

(\*) Hic typis error irrepisse deprehenditur; cum enim Continuator hunc Cardinalem anno Christi 1504. 2. Januarii natum, hoc autem anno 1594. mortuum refert, certe non anno octogesimo primo, sed saltem nonagesimo decessisse constat, hinc verius Ciaconius testatur, illum, cum jam nonagesimum attigerat annum, in cælum migrasse.